

金匱啟鑰

澠江黃朝坊妙山韓著

種痘根源論

宋仁宗時有丞相王旦。初生諸子。俱苦於痘。後老年生三子。名素。招集諸幼科而告之曰。汝等俱明於治痘否。咸應之曰。不敢言明於治痘。但畧知治痘法也。王旦曰。能知之。卽能明之也。每年予各以十金相贈。俟小兒出痘。衆皆請來。共相認症。訪方用藥。俟結痂還元之後。再厚贈酬謝。幸母吝教推諉。時有四川人做京官者。聞其求醫治痘。乃請見而陳說種痘之有神醫。治痘之有妙方。十可十全。百不失。

一王旦聞之喜而問曰此神醫是何姓名何處居住也汝既知之爲我請來彼應之曰此醫非男子乃女人也傳說生身於江南徐州之地自幼喫齋念佛長不婚嫁亦不披剃雲遊至四川峨眉山顶蓋茅菴而居焉惟時有上橋中橋下橋三處女人好善者俱皆皈依喫齋念佛後此現身說法自出痘症至一十二日回水結痂乃命上中下三橋女人曰此痘痂可種也一歲之兒女可用此痂三十粒於淨磁鍾內以槲木作杵研此痂爲細末用淨棉花些須又用潔淨之水春秋溫用夏則涼用冬月暑熱些滴三五點入於鍾內乾則又加幾點總以研勻不乾捏成棗核樣以紅絲線拴定約有寸許則剪去其

綿絛於男左女右之鼻孔內綿露在外以防吸上未滿一歲之兒種
六個時辰已滿一歲之兒種十個時辰取出卽種十二個時辰足亦
可此痘痂春秋二季卽一個月之痂可種得若夏五六月半月二十
日之痂亦可種若冬月嚴寒四五十日之痂亦可種蓋以寒則氣聚
熱則氣散故時日有不同耳至種苗取出約計五日而五臟傳徧至
七日身必發熱發熱三日苗必現焉見苗三日而出齊出齊之后痘
必次第長發。痘帳云曰而膿漿充足既曰足漿則回水結痂之候也
以發熱三日應天時正二三月春令發生之時也見苗出齊應天時
四五月夏令長養之時也長漿足漿應天時七八九月秋令成熟

之時也。回水結痂。應天時十月十一月十二月。冬令收藏之時也。若未出齊。以及灌漿未足。不妨多一日。以象閏月。此在人神而明之也。汝等依予之法。將汝自己之兒女種之。十可十全。百不失一。遂如種之。皆得全愈。自是環我眉山之東西南北。無不求其種痘。若有神明保護。人皆稱爲神醫。所種之痘。稱爲神痘。若丞相必欲與公同種痘。某當雇人夫肩輿。卽往我眉山敦請此神醫。亦不難矣。不踰兩月。敬請神醫到汴京。見王素。摩其頂曰。此子可種。卽於次日種痘。至七日發熱。後十二日正痘結痂矣。由是王旦喜極而厚謝焉。神醫年近九十。乃辭厚贈。對王旦曰。我修行人。要金帛何用。汝爲丞相。內則贊助。

我受汝之酬謝也。此金帛更多焉。由是辭回。我眉至。次年傳三橋女
人前。皈依者。明白指示之曰。我非凡胎所生。乃慈悲觀世音菩薩轉
劫指出種痘之法。欲天下之幼兒小女咸躋壽域。吾今以此法傳授
汝等。當爲我廣其傳焉。三橋女人皆慈悲普度。俱稱讚俯伏求神功
命我等稱何名號。以垂久遠。神醫曰。吾乃天姥娘娘。凡種痘之家。焚
香禮拜。稱揚天姥娘娘。吾卽於虛空之中。大顯神通。化凶爲吉。起死
回生。言畢。坐化而去。朱氏種痘俱遵天姥垂訓。凡調治俱遵久吾。是
氏活幼心法。果然十可十全。百不失一。種痘多順症。調治得宜。不至

天拆此一定之理也。然必要先看自出之痘。十百之中順逆不一。目力所到見解便明。某症爲順。某症爲險。某症爲逆。一目瞭然。謹慎小心。不可妄作臆見。此學種痘者之當先知也。

不可種痘論

彼家無世德。本人無陰功。以不義而得富貴。天道終必厭棄。子孫豈能享長壽乎。勿貪其利。不種可也。本人門戶衰敗。疾病連年。且健訟不休。屢遭刑讞。後之怨聲載道。自然殃及子孫。勿種可也。本人近日之所作爲。皆違背天理。報應必及於子孫。勿種可也。本人家稍殷實。重利剝削窮人。且恃其有餘錢。交通衙門人役。行賄官府。債刷貧民。

墳山在其田地當官一斷彼即得之鄉愚畏其錢鋒并家僕使女疊利算去朱氏目激此人不踰二十年身死家破現今子孫流落有難以言語形容者查其從前曾請一姓楊者與伊子種痘先出仍是好苗及至出齊之后頃刻出一身形如蚕種彼出痘者自言惡報非汝種之不善也凡遇此等人家勿種可也

正心誠意論

大學聖經有云欲正其心者先誠其意又云意誠而后心正今之人上天之所以不默佑者良由意不誠而心不正也如欲學種痘關係匪輕必湏克去己私復還天理忠君愛民孝親敬長恤寡憐孤敬老

慈幼夢子孫以義方待放隣以仁恕見色不迷不欺臨財毋貪毋苟
如此者可學種痘。倘於此告戒之言。或有缺一天報隨之自謂可以
奪天工造化。誰知頃刻之間。痘症忽焉告變。非由出痘者命皆夭折。
或因種痘者學問之不精。德行之有虧。意不誠而心不正也。朱氏此
言可爲后學法焉。

種痘精神形氣論

種痘之說。治未病也。未病要其必病。已病要其全愈。其中辨別幼稚
之精神形氣。未可以一言盡也。始則慎於選苗。揀擇痘之稀疏漿之
充滿。其間四字。其全結而答。惜也。且又專述此等痘苗。得天地

陰陽清正之氣收其痘痂作種百發百中萬不失一若夫在外所種之幼稚男女甫及一歲者爲上半歲者次之若至二歲三歲又次之若長至五六歲知識漸開未免任其性情不依調理不肯服藥難於種痘學種痘者當先知之至所種之幼稚男女必要辨別其精神夫所謂精神者面部有精采喜色明亮透達印堂山根年壽無青暗之色滿面紅光純粹者吉所謂神者兩目黑白分明視瞻平正愈看愈有神氣精光至於神之完固乍見奇異而不驚就看熟識而必要神情安逸嬉笑自如更兼目有精光者吉若目無神思昏蒙倦怠者不種更要詳察其形氣夫所謂形氣者頭面胸背手足形也體之各具

者也。必要詳看其骨肉相稱。又宜緊束。肥不見肉。瘦莫露骨。肉色要紫微帶紫色者吉。若鬆寬如發面樣者不種。所謂氣者體之充也。天枉端正。頸不歪斜。勾不陷。不填。不解。鼻孔不小。氣清不濁。聲音清亮。手執物件把持有力。站立懷中。腳不倦怠。小便遠而長。腎囊緊小。微帶紫黑色。如荔枝壳。且身無癰癰瘡疥。項無結核。腹無積。形氣充寔。精神強健。臟腑調順。氣息和平者吉。若形氣倦怠。呼吸之氣不均勻。出入粗細不一者不種。目無神者。面無喜色者。皮肉如發面樣者。形氣瘦弱者。內有疳者。病后虛弱者。吐瀉纔愈。元氣未復者。渾身有疥。

嘗考種痘之法。有謂取痘粒之漿而種之者。有謂服痘兒之衣而種之者。有謂以痘痂屑乾吹入鼻中種之。謂之旱苗者。有謂以痘痂屑濕納入鼻孔種之。謂之水苗者。然卽四者而較之。水苗爲上。旱苗次之。痘衣多不應駭。痘漿大涉殘忍。故古法獨用水苗。蓋取其和平穩當也。近世始用旱苗法。雖捷徑微覺近烈。若痘衣痘漿之說。則斷不可從。夫水苗之所以善者。以其勢甚和平。不疾不徐。漸次而入。旣種之后。小兒無受傷之處。胎毒有漸發之機。百發百中。裨於影響。盡善盡美。可傳爲種痘之最優者。其次則苗雖烈。猶與水苗之法相近。兒

體壯盛。猶或可施。至若痘痂之何以爲順。選苗之何以善藏。天時之何以得正。種期之何以爲吉。調攝之何以合宜。禁忌之何以如法。形氣之何以可種。與痘衣痘漿之弊。一一條分縷晰。細列於后。學者必細心體閱。則中有灼見。不致有他岐之惑。庶種法旣善。而成功可必矣。

選苗

苗者痘之痂也。種痘者全資乎此。以爲胎毒之引導。關係匪輕。選苗時宜留神細察。不可輕忽。其中有可用者。有不可用者。惟在痘之順不順。別之。痘之不順者。出不全。圓色不紅潤。漿不充滿。所落之痂黑。而毒未化。天人合病。內外合邪。所致。則幸而得愈。亦不過良工之善。

證出則尖圓色則紅潤漿則充滿所落之茄蒼蠟光澤肥大厚寔此得天地陰陽之正氣極順之苗也收而用之效如響應但此茄甚少所遇無多或不能親其事而假手他人亦必令彼身親自覩方可否則寧置而不用切勿濫用種者審之

蓄苗

種痘必資於苗而苗之所可恃者在氣之相通耳若遇熱則氣洩日久則氣薄觸汚穢則氣不清藏不潔則氣不正此蓄苗之法所以不可不慎也如遇好苗須貯新磁瓶器內以物密覆之置於潔淨之

所清涼之處其所貯之苗。在春天者。一月之痂可種。冬令嚴寒。四五
十日之痂。尚可種。蓋寒則氣收藏。熱則氣易洩。故時日有不同也。然
於未收苗時。卽當先與出痘之家。明言其故。使彼樂從。無所疑忌。彼
方肯用心收貯。不致稍有貽悞也。

天時

種痘貴得天時。得其時則種。不得其時則不種。夫天時之正。莫過於
春。春爲萬物發生之際。天氣融和。不寒不熱。種之則痘自隨其氣而
發生。此正二三月之時。所以可種也。若交夏之后。六陽盡出地上。人

六月之時所以必不種也。至若秋令天氣清肅收斂之時。雖遇可種之兒。而無引毒之具。此七八九月之時。勢有不能種也。至於十月。名曰小春。雖亦可種。然斯時寒氣固結。純陰用事。不若候冬至后一陽鼓動。借其生生之氣。種之甚吉。此十月之所以可種。又不若十一月十二月之尤可種也。然當可種之時。亦有不可種者。如春應溫而反寒。夏應熱而反涼。秋應涼而反熱。冬應寒而反溫。當其時而非其氣。是天地不正之氣也。常人感染。則必成時疫。小兒調理未遑。况敢言種痘乎。倘或遇此。只宜稍避。俟時氣平定。再爲議種。方保萬全。亦有未種之時。天時甚正。旣種之后。忽爾寒暄不時。此又人事所遇不齊。

偶爾變氣出于意外者也。則宜屋中適其寒溫。順會天時。常燒避穢香。飲食起居。更加謹慎。可保無恙。種痘者宜詳審而體察之。

擇吉

下苗之日。必擇成日。開日。栽種日。及合天月二德。則吉。倘三者不能兼脩。即成開之日。亦可。若值人神所在之日。忌不可種。

種痘

成日 開日 栽種日

天月二德日